

671.1323
083
11

纂修姓名 目錄 全圖 敘例

方輿略

疆界

面積 地理 界牌
沿革 晷度

河道

隄 澮

道路

水路 橋梁
渡船

古蹟

城寨 亭臺齋堂 署宅 塚墓
古井 舊河 舊澮 大小雄山

雄縣新志

第一冊

雄縣新志纂修姓氏錄

鑒定

原任雄縣縣長秦廷秀

代理雄縣縣長褚保熙

總纂

劉崇本

分纂

高元凱

楊汝霖

採訪

翟鳴九

郭鎮

劉儒塾

閻怡堂

高文炳

李恩增

李煌

仇翰垣

田稼增

胡寶森

崔錫恩

李璞璇

張作新

郭訥

郭芳春

王嘉祥

王汝言

張曾琳

李灼華

龔鑫寶

楊述文

于九霄

評議

侯昌世

李寶源

王之荃

張敬銘

錢選青

袁其銘

張國棣

王慶麟

校印

高明鑑

敘例六則

余喜搜羅方志自明迄今所收不下百數十種然踏駁雜糅多
乏可采卽名家著述如朝邑武功靈壽諸志章實齋猶有貶詞
不輕許可及觀章氏永清縣志自詡史裁而以帝紀皇言裒然
居首雖云義本尊王實則方志主紀一方事蹟與帝王之尊何
涉近世通人評爲泥古自是又何辭焉厥後吳先生深州風土
記最稱絕作自疆域迄敘錄共二十二篇分類纂述體大思精
洵非淺學所可竊比近代王晉卿先生以高文碩望一年之間
編輯冀典成二十卷聞省府易其名曰冀縣志實則獨出手眼
成一家言有非其他方志所可同日語者其自序有云仿汪容

甫廣陵通典通書爲一篇文字所徵事實則仿水經注例詳稽博考並蓄兼收其中門類雖未區分而依次排比鳥跡蛛絲秩然有序而不紊也獨惜時丁道喪文敝之日世方以淺俗相矜自非好學深思之士其不至讀不終卷廢然而止者幾何蓋前者非一般之人所能及後者尤非一般之人所及知也外此唯賈君佩卿鹽山新志酌古準今不事沿襲高下皆宜允爲有目共賞之作以爲方志之體以畱域爲主法制爲輔二者詳其在方志已爲應有而盡有此外徵文獻詳故實均爲講地輿者所不廢如繪事然畱域其質素也法制其初施之輪廓也文獻其采色掌故其題跋也至哉言乎美矣備矣今雄縣志共二十一

篇一仿鹽山新志體例凡分方輿法制文獻故實四略以括之而以志餘敘錄詩鈔附焉

方輿爲縣志之綱領欲講方輿宜審疆界故必疆界先定而後天然之河道交通之道路乃有所附麗因是疆界居首河道次之道路又次之橋梁渡船雖爲建置類以關係交通故附道路之末至於古蹟則又方輿中之掌故荒臺廢苑均足動人憑弔之思考古者所不廢也故以古蹟終焉舊志有八景之說茲避冗濫概從刪汰

政法者所以體國經野者也是以政治與土地人民爲國家之三要素無政法以統治之則海島孤懸部落遊徙皆不得謂之

國家方志之書何莫不然城池區村所以居此民衙署監獄所以治此民養濟院留養局等所以養此民皆建置所有事也學校之設所以教育人民者也古之學校以學官爲尊今之學校以教育局爲主茲欲觀其會通故連類及之至宣講所放足會均附設教育局內故以殿焉賦役則治於人者食人之義也警察鄉團則保民之制也議參兩會則人民之代議制也至於建設局則爲民興利除害尤非泛設故得並書若黨部則取議會而代之尤爲提倡全民主義之先導姑附自治之末云

鹽山新志云疆域法制旣詳則方志之大體已具顧文獻無徵則倣無由鄉邦後進曷賴焉若職官人物以及著述皆文獻類

也故以類從焉職官只記此邦政績外此別有功勳不泛及也
又必循聲卓著功德在人者方足旌錄若守將則不繫賢否職
責所在例得備書人物一篇備載鄉賢姑以仕績忠烈孝義等
目稍示區分定爲人物篇上自文苑以至閨秀賢母等目定爲
人物篇下至於一邑著述國粹所關高山景行興起後進書雖
亡佚寧存其名至選文入志以代藝文實爲方志陋習不若比
於志餘付之例外也編輯之始擬仿文安志例載畢業生嗣以
人多遊宦採訪無從期月之久僅得五分之一誠恐挂漏留待
續修


一方之聲明文物文獻而外厥爲故實若謠俗若物產若商務

若宗教皆爲掌故所存風土所係也其他兵事災異尤爲一邑事變之最大者舊志合而一之茲仿深州風土記及鹽山新志例列兵事一門而以祥異附焉至吉金樂石亦爲考古之資談故實者所樂道惜資料未豐搜采匪易未能饜嗜古者之願望耳

以上四略共二十一篇已足括一邑志乘之全其他舊聞軼事無關宏旨別爲志餘一門以賅之若敘錄者則仿鹽山新志而爲之以志乘久缺敘文只一見補以鄉土志敘共二篇非自爲炫耀備一格耳詩鈔兩冊一爲他方遊宦詠懷弔古之作一爲邑中人士之所詠歌懼其湮沒故附於邑志以傳以避方志藝

文俗例故直名詩鈔云

民國十八年十二月劉崇本識



雄縣新志目錄

縣境全圖

叙例

方輿略一篇四

疆界篇一

面積沿革

地里暑度

界牌

河道篇二

淀堤水路

橋梁

道路篇三

渡船

古蹟篇四

古城寨

亭臺齋堂
舊河舊淀

署宅塚墓
大小雄山

法制略二篇七

建置篇五

城池監獄

街道寺廟

區村建坊

集市倉廩

廟會養濟院

縣署留養

局 惠民藥局 漏澤園 驛遞

學校篇六

郵務 儒學 義學 書院 教育局 師範學校

賦役篇七

田賦 小學校表 雜稅 宣講所 放足會

警衛篇八

公安局 公債 鹽引 及分局 駐所 一覽表 保

自治篇九

地方自治 附救濟院 參兩巡隊 及商民自保團

建設篇十

建設局

黨務篇十一

黨務指導委員會 黨義研究會

文獻略三篇四

職官篇十二

歷代職官表 守將

人物篇上十三

歷代選舉表 仕績 忠烈 孝義

人物篇下十四

文苑
寓賢
母賢

隱逸
節婦

藝術
烈婦

方外
貞女

宦者
孝女

大年
閨秀

著述篇十五

故實略四

篇六

謠俗篇十六

禮俗
方言

時序

紀念日表

物產篇十七

動物
植物
製造產

植物

礦物

商務篇十八

宗教篇十九

兵事篇二十

祥異附

金石篇二十一

志餘五

叙錄六

雄縣詩鈔七

雄縣新志

方輿略

疆界篇

縣以雄州得名實卽唐之歸義縣地然其地之大小古今不同
太平寰宇記六十七卷雄州下云州境東西一百五十里南北
八十五里又元豐九域志云雄州地里東京一千二百里東至
本州界四十五里自界首至保定軍今新鎮縣二十五里西至本州
界六十五里自界首至安肅軍今徐水縣二十五里南至本州界一
十五里自界首至莫州一十五里北至涿州一百二十里東南
至本州界六十里自界首至莫州三十里西南至本州界八十

里自界首至順安軍

今高陽縣

一十里東北至本州界九十里自界

首至霸州一十里西北至易州一百五十里彼時雄爲防禦州領歸義容城二縣共治州城中故州境之大若是又唐之歸義縣蓋兼有巨馬河北地自宋遼分界而縣境遂分爲南北南爲宋之歸義治雄州北爲遼之歸義則僑治新城居民在巨馬河南遼史地理志南京道析津府有歸義縣是也由上二說觀之今之縣境非惟不及五代州境之大而亦並非唐代歸義之舊矣姚志云廣九十里袤四十里此特約舉概數未及細核以今縣治考之直北二十五里直南十二里直東三十里直西十五里東北西南斜縱特短城東北十八里西南十里西北東南斜